



Andoaingo Udala

Kodea:
2026AAH20029

ANDOAINGO UDALAREN ETA HHI-EPA IKASTETXEAREN ARTEKO LANKIDETZA HITZARMENA – 2026KO URTEA.-

Andoainen, sinaduraren datan.

Alde batetik, **Marta Lasa Goñi andrea**, Andoaingo Udaleko Hezkuntza eta Kultura arloko Zinegotzi Ahaldua, Udal horren izenean eta ordezkari gisa arituz Alkatetzaren 2023ko 2023/1350 ebazpenaren arabera.

Eta bestetik, **Iñaki Irisarri Etxeberria**, ***7994** zenbakiko NAN duena, Andoaingo HHI-EPA Ikastetxearen izenean eta zuzendari gisa arituz (Zentro kodea: 012076).

Bi aldeek elkarri aitortu diote Hitzarmen hau erdiesteko legezko ahalmena eta aurrez ezarri dute ondoko

HITZBAKETAK

LEHENA.- Hitzarmenaren zioa, Andoaingo Udala eta HHI-EPA ikastetxearen arteko eskubide eta betebeharrak finkatzea 2026. urtean HHI-EPA ikastetxearen mantenimendu eta funtzionamendu gastuak finantzatzeko.

Horretarako, 2026ko udal aurrekontuan, eta 376 zenbakia duen partidaren kargu, 2.635€ daude.

Dirulaguntza hau maiatzaren 27ko 1500/2026 alkatetza dekretu bidez onartu den Dirulaguntzen 2026-2028ko Plan Estrategikoan sartuta dago.

BIGARRENA.- Andoaingo Udalak, 2026. urtean, bere laguntza emango du eraikinaren mantenimendu eta konponketa gastuentzat.

Onartutako diru kopurua, mantenimendu eta funtzionamenduen gastuak seihilabeteko txostena Udalak eskuratu eta hilabete burutu baino lehen ordainduko zaio ikastetxeari.

HIRUGARRENA.- Ikastetxeak Udalari txostena aurkeztu beharko dio seihilabetero, eta txosten horretan egindako gastuen azalpen ziurtatua egin beharko du faktura originalak ala Udaletxean konpultsatutakoak aurkeztuz.

LAUGARRENA.- Urtero “mantenimendu eta funtzionamendu gastuak” atalean gastaturikoak ez du gaindituko Udalak aurrekontuan jasorikoa, baldin eta ez bada ezinbestez egin beharreko premiazko lanengatik, beti ere aurrez Udalarekin adostu eta horiek egitea erabaki denean.



Andoaingo Udala

BOSTGARRENA.- Ikastetxeak eraikin horien erabilera egingo du, beti ere aipatu erabilera hezkuntza izaerakoa baldin bada.

Biztanleria eskolarra jaitsiko balitz eta kontuan izanik ikasgelarik hutsik gera litekeela, horien gainean eman beharreko erabilera Udalaren eskumenean izango da.

SEIGARRENA.- Hitzarmen hau indarrean dagoen bitartean, udalak behar izanez gero, eta ikastetxeak libre edukiz gero, ikastetxeak behar diren lokalak utziko dizkio udalari.

ZAZPIGARRENA.- Dirulaguntzari egin beharreko jarraipena eta justifikazioa.

Dirulaguntzaren zuriaketa azaroaren 17ko 38/2003 Dirulaguntzei Buruzko Lege Orokorreko 29. artikulutik 33. artikulura bitartean xedatutakoaren arabera izango da.

Andoaingo Udalak, Kultura eta Hezkuntza saileko teknikariaren bitartez, jarraipena egingo du eta diru-laguntzaren justifikazioa egokia dela egiaztatuko du, eta, era berean, jarduera gauzatu dela eta diru-laguntza eman edo izateko zehazturiko helburua bete dela.

Diru-laguntzaren entitate onuradunak, 2027ko urtarrilaren 15erako, Udalean aurkeztu beharko du diru-laguntzaren xede duen proiektuaren garapenaren memoria bat. Bertan 2026ko ekimena burutzeko aurreratu diren gastuei buruzko azalpenan emango dira.

Gastuak egiaztatuko dira ordain-agirien edo merkataritzako trafiko juridikoan balio frogagarri baliokidea edo administrazio eraginkortasuna duten bestelako dokumentuen bidez.

Jarduerak, diru-laguntzaz gain, finantzatu direnean, norberak dituen diru-sarrerekin edo bestelako diru-laguntzekin edo baliabideekin, justifikazioan zenbatekoa egiaztatu beharko da, nondik datorren eta zein den diru-sarrera horien aplikazioa diruz lagunduriko jardueretan.

Diru-laguntza 60.000,00 €-tik beherakoa denez, zuriaketarako kontu laburtua erabil daiteke dirulaguntza zuritzeko. Jarduera osoa eta dirulaguntzako gastu osoa zuritu beharko da.

ZORTZIGARRENA.- Bi aldeak behartuta daude hitzarmen hau betetzera, dagozkien hitzbaketetan, eta hemen aurreikusten ez diren kasuetarako Toki Araubidearen Oinarriak arautzen dituen Legea hartuko da kontuan berariaz.

BEDERATZIGARRENA.- Bateragarritasuna beste diru-laguntza publikoekin.



Andoaingo Udala

Hitzarmen honek arautzen duen diru-laguntza bateragarria izango da helburu bera duten bestelako diru-laguntza, laguntza, diru-sarrera edo baliabideekin, bestelako administrazioetatik edo erakunde publikoetatik edo pribatuetatik datozenak.

Dena den, diru-laguntza hau bateraezina da helburu berarentzat Andoaingo Udaletik eta/edo bertako organismo autonomoetatik datozen bestelako diru-laguntzak edo laguntzat hartzearekin. Era horretan, entitate onuradunak uko egiten dio edozein laguntza edo diru-laguntza motari egokituko ahalko litzaiokeena Udalaren departamentuek edo organismo autonomoek diru-laguntzetarako eginiko deialdien arabera.

Hala guztiz ere, emandako laguntzen zenbatekoa, bakarrean edo batera, inola ere ezingo da izan diru-laguntzaren xedearen balioa baino handiagoa.

HAMARGARRENA: Hitzarmena ez betetzea eta diru-laguntza itzultzea.

Diru-laguntzaren entitate onuradunak bete beharreko edozein eginkizun ez betetzeak ekarriko du diru-laguntza berrikustea edo indarrik gabe uztea, eta hala balegokio, emaniko diru-kopurua gutxitzea edo itzultzea. Hori guztia aurreikusita dago Ordenantzan eta Legean. Dena den, erantzukizunak eskatu ahal izango zaizkio.

Izaniko ez betetzeak mailakatzeko proportzionaltasun irizpidea erabiliko da.

Ezingo balitz edo interesik ez balego lan garapena jarraitzeko proiektuaren bideragarritasunari edo izaerari atxikirikoa arrazoiak edo behar bezala justifikaturikoak bestelakoak direla-eta, bi aldeek adostu ahal izango dute hitzarmena bertan behera uztea edo etetea.

HAMAIKAGARRENA.- Hitzarmen honetatik sor daitezkeen arazoen izaera juridiko eta administratiboa izango dute eta eskudun diren auzitegiek konpondu beharko dituzte. Hala ere, hori egin aurretik, hitzarmen honen jarraipena egiteko batzorde paritarioa bilduko da.

Hitzarmen honetan jarri gabe geratu diren alderdi guztietan administrazio alorrean indarrean dagoen legeria ezarriko da eta, batik bat, Andoaingo udalean diru-laguntzak ematea arautzeko udal ordenantza, azaroaren 17ko Diru-laguntzei buruzko 38/2003 Lege Orokorrean ezarrikoa uztailearen 21eko 887/2006 Errege Dekretuan, non bertan onartzen den azaroaren 26ko Diru-laguntzei buruzko 38/2003 Lege Orokorraren Arautegia, urriaren 1eko 39/2015 Legean, Herri Administrazioen Administrazio Prozedura Erkideari buruzkoa eta urriaren 1eko 40/2015 Legean, Sektore Publikoaren Araubide Juridikoari buruzkoa. Subsidiarioki, zuzenbide pribatuko arauak aplikatuko dira.



Andoaingo Udala

HAMABIGARRENA: Eskumeneko Jurisdikzioa.

Aldeen artean sor daitezkeen auziak ebazteko eskumena izango dute Administrazioarekiko auzien Donostiako Epaitegiek, eta, era horretan bi aldeek onartzen dute epaitegi horien lurralde-eskumena.

HAMAHIRUGARRENA.- hau 2026an bakarrik egongo da indarrean.

Ados daudela adierazteko, bi aldeek agiri hau bi aletan izenpetu dute idazpuruan adierazi den toki eta egunean.

HHI- EPAko ordezkaria
Stua.: Iñaki irisarri Etxeberria

Hezkuntza eta Kulturako Zinegotzi Ahaldua
Stua.: Marta Lasa Goñi

UDALEKO IDAZKARIA,
Stua.: Unai Rekondo

